

SARS E TSHWARA DIKHONTHEINA TŠE 11 TŠA GO LAODIŠWA KA MAAKA

Tshwane, Laboraro 8 June 2022 – Ba Ditirelo tša Motšhelo tša Afrika Borwa (SARS) ka Sehlopha sa bona sa Khasetomo le Motšhelophahlogae sa 'National Rapid Response Team' ba tshwere dikhontheina tša dithoto tše (11) tšeo di laodišitšwego ka bofora. Dithoto tšeo di be di swere diaparo tšeo di laodišitšwego bjale ka dieta ka palomoka ya fisikase ya boleng bja R 3 million.

Sehlopha sa Khasetomo se tlhahlobile ka sebele le go lekola dikhontheina tše 11, le ditokumente tša go sepela le tšona, gomme ba hwetša gore thoto e be e laodišitšwe ka maaka ke batlišagae ba ba bedi. Batlišagae ka go ditaodišo tša bona go SARS ba di laodišitše bjale ka dieta.

Kgetsi ya bofora kgatlhanong le batlišagae e ngwadišitšwe le Ditirelo tša Maphodisa tša Afrika Borwa yeo e tšwelagopele ka dinyakišišo tša mokopanelwa le SARS.

SARS e rata go boeletša temošo go bagwebi le diagente tša phetišo go kgaogana le mekgwana ya go laodiša ka bofora le go leka go foronyaka mmušo ka seo se swanetšego fisikase.

Khomišinare wa SARS Mrn Edward Kieswetter, o tlogile a reta maitapišo a baofisiri ba Khasetomo. O boletše gore, "Molaetša go bagwebi le diagente tša phetišo bao ba sa obamelego gore ba swanetše go šoma ka go latela melao, yeo e nyalelanago le ditebo tša maano a rena, SARS e dula e gomme e tšwelapele go tiišetša bokgoni bja go tshwara. E tla thatafaletša le go lefiša ditefišo tša godimo go balefela motšhelo bao ka boikgafo ba amanago le bomenetša bja maitshwaro a go se obamele ka mabomo."

Go botšiša ka ga phatlalatšo ya ditaba, ikgokaganye le SarsMedia@sars.gov.za